

Yeshua, Esun Ungi di Israel i Juda; e Promesa!!!

Pasobra mi ta bisa ku **Yeshua** a bira **un Sirbidó** di **e sirkumsishon** pa kousa di **e Bèrdat di Dios**, pa konfirmá **e Promesanan** duná na **e tatanan**, i pa **e paganonan Glorifiká Dios pa Su Miserikòrdia**; manera ta pará skirbí: "Pesei lo mi duna **Alabansa** na **Bo meimei** di **e paganonan**, i lo mi kanta **na Bo Nòmber**." I atrobe e ta bisa: "**Regosihá, O paganonan**, huntu ku **Su Pueblo**." I atrobe: "**Alabá Señor**, boso tur, **paganonan**, i laga **tur pueblo alab'E**." I atrobe Isaias ta bisa: "**E rais di Isái lo bin**, i **Esun** ku **ta Lanta** pa goberná **e paganonan**, den djE **e paganonan** lo spera." (**Romanonan 15:8-12**).

Yeshua: e Lei, e Enseñansa di Dios Tata!!!.

Awor tempu ku Abram tabatin nobent'i nuebe aña, **SEÑOR** a paresé na **Abram** i a bis'é: "**Mi ta Dios Todopoderoso**; kana **Mi dilanti** i **sea Perfekto**. I lo **Mi stablesé Mi Aliansa entre Ami i abo**, i lo **Mi multiplikábo** masha hopi mes." (**Genésis 17:1-2**). **Dios** a sigui bisa **Abraham**: "Awor pa loke t'abo, lo bo warda **Mi Aliansa**, abo i bo desendientenan despues di bo **durante di tur nan generashonnan**. Esaki ta **Mi Aliansa** ku boso mester warda entre **Ami i boso i bo desendientenan despues di bo**: tur persona maskulino entre boso mester wòrdu **Sirkumsidá**. I boso mester laga **Sirkumsidá** e karni di boso prepusio, i esaki lo ta **e señal di e Aliansa entre Ami i boso**. (**Genésis 17:9-11**).

Yeshua: e Lei, e Enseñansa di Dios Tata!!!.

Dios a duna **e Promesa** na **Abraham** pasobra **Abraham a Obedesé Dios** i a kumpli ku **Dios Su Órdu**, **Dios Su Mandamentunan**, **Dios Su Statutonan** i **Dios Su Leinan**, **Yeshua: e Lei, e Enseñansa di Dios Tata** (**Genésis 26:5**). Awor **e Promesanan** a wòrdu hasí **na Abraham** i na **su simia**. E no ta bisa: "I na simianan," komo si fuera e ta referí na hopi, ma mas bien **na ún**: "I na **bo simia**," esta, **Yeshua: e Lei, e Enseñansa di Dios Tata** (**Galationan 3:16**). I si boso **ta pertenesé** na **Yeshua: e Lei, e Enseñansa di Dios Tata**, e ora ei boso ta **desendiente di Abraham, erederonan** segun **Promesa**. (**Galationan 3:29**).

Yeshua: e Lei, e Enseñansa di Dios Tata!!!.

Israel ta **e pais**, **e luga di Bida**, **e Promesa** di **Dios Tata** na **Abraham** i **Abraham** su **desendientenan**. **Yeshua** ta **e Enseñansa di Dios Tata**, loke ta ensera **Obedensia** na **e Órdu** di **Dios**. Hibando un bida segun **Dios Su Mandamentunan i Dios Su Statutonan**.

I den **e dia ei boso** lo bisa: "Duna **gradisimentu** na **SEÑOR**, invoká **Su Nòmber**. Hasi **Su Echonan** konosí entre **e pueblonan**; hasi nan kòrda ku **Su Nòmber** ta **halsá**." **Alabá SEÑOR** ku **kantika**, pasobra **El** a hasi kosnan **Ekselente**. Laga esaki **ta konosí** den **henter tera**. **Halsa bos i kanta di alegria**, O habitante di **Sion, Jerusalem** pasobra grandi ta **Esun Santu di Israel** meimei di boso. (**Isaias 12:4-6**).

16 febrüari 2020

Sea Bendishoná ku **e Amor** di **Dios Tata**; **Yeshua Mesias**
Un Fiel Sirbidó di Dios,
Remsly L Riley.